



*Editorial***Tuailai Camp 2017 Motivation  
HUN KIPAH HUAI...**

*Hun kipah huai ah kon ngai khia a,  
hotdamna ni ah kon panpih, a chi ngal a.  
Ngai un, tu hun kipah huai ahi a, ngai un,  
tu hotdamna ni ahi.*

**2Korinthte 6:2**

Pathian in a tapa tang neihsun Jesu tungtawn a, sa leh si a hong lamkhiak, A' Saptuamte hon pii zel in; it leh ngaih tampi te'n a tangtawn mun ding uh zuan a hon paisan nung uah, kum 2017 hon pikai kia hilou in, a kha nihna February bang kai thei leh, AMAN hun hoih leh thawveng hon bawlsak ban a, khalam vevna lunggulhna leh lametna lianpi tawh I geel TUAILAI CAMP bang gaal et thei leh nei thei ding dinmun a hon koih ahihman in A VANGLIAN PATHIAN thupina pahtawina tengteng pekawm in a min phat hang!

Tuni chi thei dia hinna, damna leh hun hoih hon pia Pathian ahi. Mi tampi'n hiae bangchi thei nawn lou, kibawl hoih ut in, thilhoih tampi sem ut mahle uh hun nei nawnlou uhi. Hampha ihihdan India gam death rate tungtawn in en le... India ah hiae lai ka gelh (04/02/2017, 12:00 noon) tan in: Mihing 1,277,505,601 om ta; minute khat sung in mi 19 si, huaituh - dakkal khat in mi 1,116, ni khat in mi 26,789 leh kum khat in mi 97,78,073 bang si chihna suak hi. Bangziak a mi hiaizah zouzai si lak a tel khalou chitchiat ka hi ding or na hi ding chih na ngaihtuan ngei hia?

Pilna siamna ziak chile eisang a pil leh siamzaw tampi om; felna kizenna chile eisang a fel leh kizen zaw tampi om zel, neih leh kietkol zoh ziak chile eisang a nei leh kienkol zaw ding tampi te ahi uh sihna hanmual hon liamsanta

te. Bangmah dang ziak ahi kei, Toupa'n a hehpihna hun nang leh kei di'n hon behlapsak ana hi maizen hi! I hih khelhte kibawl hoih theihna ding hehpihna hun, I hih nailouh thil hoih tampi omte hih dia kipat theihna hehpihna hun leh, I taksa, kha leh hinna tawh kivaatna hon piak tungtawn a, A' nna sep theihna hun behlapsak a om ihi. Toupa tung ah kipak mahmah hang.

Huaiziak in, tutung TUAILAI CAMP kinei ding amawk in liamsak ken. Hiae bang hun hoih maban a mulou thei, mu le chin leng tel thei dinmun a omlou thei na hi. EBCC Delhi in Tuilaite ngimbik a Camp ineh nanungen, October 15-19, 1999 a "Evangelistic Youth Camp" Mount Carmel School a kinei ahi. Kum 18 bang a pailiam nung a kinei ding Camp a, lut thei ding dinmun a na om khak geih, Toupa deihsakna leh angvanna tang na hi chih thei in, Camp lut teitei in aw. Toupa'n nang a dia hun kipah huai leh hotdamna ni phetlou in, kilat-thakna dia hun manpha hihsak ut in hon sam hi. Suanlam tuamtuan bawl dia melmapa setan in hon beihna kizou saklou a, khalam leh salam vualzawlna thupitak tang ding in Toupa'n thupukna la ngam leh semsuah ngam ding in hon makaih hen aw. **EBCC Delhi khangthu a dia Tuailai Camp 2veina a tel kha thei dia na om khak geih Pathian lemgel ahi chih thei in, Toupa vualzawlna tang ding in lut in, lut teitei in aw... NA KISIK KEI DING.**

**TBDF NAZARETH BIAL FELLOWSHIP**

**Amun** : Upa Damsawmthang Inn.

**House No.** : 414. R.K.Puram, Sector -8

**Ahun** : 1.30 PM

**Ani** : 15.02.2017

**CAMP TOH KISAI A THUMKHAWM NA.**

**Hun khatna** : Nu K. Niangpi.

**Hun nihna** : Nu Sangpui.

**BCD APAT THUPUAN:**

1. Tukum in Naupangte Bible a tamthei lam byheart sak kisawm a, nu le paten hon kithuahpih a, i tate anuai a Bible Bung & Tangzah hong ki taklang te March Kha tan a ana sinpih chiat din ka hon ngen uhi. Senior-Ekljiasi 12. Inter - Puanak te 3:1-12Jnr -Sam 119:9-16 Primary -Sam 1. Beg (B) - Sam 125. Beg (B) - Sam 123.

**DAN SIANGTHOU A KITENGE  
KIPAPIHNA.**

Apaita date 11.02.2017 (Kiginni) in Unn. Chinglunman d/o of Upa khamkhanpau leh Unp. Thangkhanlal Ngaih s/o Rev. S. Ginjam te'n EBCC Central Delhi a, Pastor Thangchinkhup khut a pan Kristian Dan in kitenna nei uhi.

Unp.Kapgoulian Vualzong s/o V. Langzagin leh Unn. Vunglalmuang d/o (L) Damzagou teleng EBCC Zoar Bungmual a nisim January 04,2017 in Saptuam Dan in ana kiteng uhi. Unn. Lalmalsawmi d/o (L) T. Thangkhomang leh Unp. Dalgoumang Valte EBCC Central Lamka a Dec.28,2016 in Saptuam dan in ana kiteng uhi.

Pathian in lemhonsakpih leh Unp. T. Pauthianmuang s/o Upa. T. Thianzakham of R.K. Puram leh Unn.Ngaikhannem d/o N. Ginkhanchin of Bungmual te EBCC Delhi a Saptuam Dan in Kiteng ding uhi.

**Kristian inkuan pan ding, Tuailai Kristian dan siangthou a Saptuamte theihpih a kitenna nei thak liklek leh neipah ta di te I DEW tung tawn in kipapihna I suah thakthak ahi. Toupan hon vual zawl chiat**

**TUAILAI CAMP REGISTRATION**

Tuailai camp a tel ding mi 120 (I mun in hon dawl di zah) a limit ahih man in a telding te'n min a baih theih lam a piaklut ngai ding hi. Hiae anuai a Heutu te kiang a min piak lut theih ding hi.

- |                         |              |
|-------------------------|--------------|
| 01. S.Lianlalmuan       | (9873112735) |
| 02. Kapgoulian Vualzong | (9999391461) |
| 03. P Chinliankhup      | (9873706127) |
| 04. Office Assistant    | (9555831587) |

**CAMP SUNG A POIMOH LEH THEIHTUAKE:****A. Van poimoh ken/kenlouh dingte:**

1. Bible, Pen & Notepad kiken chiat ding.
2. Nikten-puansilh mahni kikhekna dingte kiken chiat ding.
3. Zan puan silh ding leh kinuulna (towel) kiken chiat ding.
4. Sahbon, Toothpaste chihte mimal in zattuambiik i neih kei nakleh ken a ngaikei ding. Damtheihna toh kisai hiam a zattuam biik neite ahihleh mahni kiken a hoihpen ding.
5. Taksa leh kha suse thei thilchiin hoihlou tep-le-muam leh a kaihzatamte puaklut louh ding ahi.

**B. Zuih/hih ding khenkhat:**

1. Camper kuapeuhmah tuailai piching, sia-le-pha thei chiat hihna toh omdan gamtat kilawm a om ding a lamet ihi.
2. Camp sung hun zat dingdan routine om bangbang thumangtak a zuih chiat ding ahi.
3. Kikhopna neih hun sung peuhmah vanzat hon subuai thei ding mobile phone etc. kikhopna sung a tawlit louh hoih a kisa.
4. Nek-le-dawn toh kisai nek theihlouh/kihuatpih nei omleh camp vaisaite kithuzak ding ahi.
5. Camperte'n haksatna leh poimawh emergency thil banghiam sunglam leh pawlam a kipan i neih leh camp vaisaite zaksak ding ahi. Alou theilou ahihke'h Biakinn huang pawtkhiak louh hoih a kisa.
6. Camperte numei leh pasal a tuam in group bangzah hiam in kikhen ding a, group khat chiat ah leader khat leh assistant leader khat in makaih zel ding hi. Amaute'n a groupte chiat uh a poimoh hunte ah enkai ding uhi.